

Convocatoria da IV edición

Premio María Carmen Guisán Seijas á introdución da perspectiva de xénero nos Traballos de Fin de Grao da Facultade de CC. Económicas e Empresariais de Santiago de Compostela

María-Carmen Guisán Seijas (A Coruña, 1947)

Licenciada en CC. Económicas na Universidade de Bilbao (1970). Profesora e primeira Doutora en Economía (1975) na Universidade de Santiago de Compostela e Catedrática de Econometría desde 1987. Directora do Master de Economía Sectorial Internacional entre 1997-2007. Directora do equipo de investigación de Econometría da USC e da Asociación de Estudios Euro-Americanos de Desarrollo Económico. Publicou máis de 120 traballos de investigación sobre temas de Econometría; Estudos Sectoriais e Rexionais; Economía Europea; Economía Internacional; Capital Humano; Desenvolvemento Económico; analizados desde a perspectiva de xénero.

Destaca entre os investigadores e investigadoras máis lidos na base internacional de investigacións económicas Ideas-Repec. Responsable do Grupo Hispalink-Galicia de predicións económicas rexionais das universidades españolas, directora e membro do consello científico de varias revistas españolas e internacionais. Colaborou en proxectos de investigación sobre a economía galega financiados pola Xunta de Galicia. Foi concelleira do Concello de Santiago de Compostela, membro do Consello Universitario de Galicia a proposta do Parlamento Galego e membro da Xunta de Goberno da Universidade.

A Facultade de Ciencias Económicas e Empresariais da Universidade de Santiago de Compostela, atendendo ao recollido nas memorias dos graos respecto á igualdade de homes e mulleres, así como ao obxectivo Nº 3 “Promover a introdución da perspectiva de xénero na docencia e na investigación” do *III Plan estratéxico de igualdade de oportunidades entre mulleres e homes da USC*, convoca a cuarta edición do Premio María Carmen Guisán Seijas á Introdución da Perspectiva de Xénero nos Traballos de Fin de Grao (TFG). Esta convocatoria ten como obxectivo fomentar a introdución da perspectiva de xénero na vida académica do alumnado, como forma de recoñecer e premiar os mellores traballos destas características.

BASES

1. Poderán presentarse a este premio os TFG defendidos e aprobados no centro nos cursos 2021-2022, 2022-2023 e na oportunidade de febreiro do curso 2023-2024.

2. O contido do TFG poderá tratar sobre calquera temática na que se inclúa a perspectiva de xénero na formulación de obxectivos, metodoloxía e desenvolvemento. Valoráranse aspectos como a inclusión e análise de indicadores de xénero, os resultados e conclusións obtidas.

3. Establécese un único premio de 250 euros, diploma acreditativo e agasallo dun libro da colección *Clásicos do Pensamento Universal*, editado en galego pola USC.

No caso de que o xurado considere que ningún dos traballos presentados acada un nivel axeitado poderase declarar o premio deserto.

A entrega do premio farase o día da celebración dos actos do patrón da Facultade (10 de abril de 2024).

O pagamento realizarase por medio dunha transferencia a unha conta bancaria. Do importe do premio practicarase as retencións legais pertinentes (IRPF).

4. As persoas concursantes deberán remitir ao mail do Decanato da Facultade de CC. Económicas e Empresariais (ecoade.decanato@usc.es) ata as 14 horas do 8 de marzo de 2024:

- A solicitude (Anexo I) debidamente cuberta.
- Unha copia dixital en formato .pdf do TFG.
- Unha copia en formato dixital do DNI.

Tamén se terán en conta aquelas solicitudes presentadas polo alumnado de TFG nas datas de defensa dos TFG dos cursos académicos sinalados no punto 1.

5. A resolución farase pública no taboleiro do Decanato na segunda quincena de marzo de 2024.

6. O xurado dos premios á introdución da perspectiva de xénero dos TFG estará presidido polo decano da Facultade de Ciencias Económicas e Empresariais ou persoa en quen delegue, e dúas persoas expertas na incorporación da perspectiva de xénero nos ámbitos da Economía e da Administración e Dirección de Empresas. En ningún caso formará parte do xurado unha persoa que titorice un traballo presentado.

O xurado valorará a introdución do enfoque de xénero, a relevancia da temática tratada, o emprego da linguaxe inclusiva, a calidade na redacción, presentación da información e a estruturación do traballo. A súa decisión é inapelable.

Ao xurado corresponde a interpretación da presente convocatoria, así como a resolución das cuestións non previstas na mesma.

A participación no concurso implica necesariamente o acatamento do que se expón nestas bases.

Santiago de Compostela, na data da sinatura electrónica

Xoán Ramón Doldán García
Decano

Anexo I

CONVOCATORIA DA IV EDICIÓN DO PREMIO MARÍA CARMEN GUISÁN SEIJAS Á INTRODUCCIÓN DA PERSPECTIVA DE XÉNERO NOS TRABALLOS FIN DE GRAO DA FACULTADE DE CC. ECONÓMICAS E EMPRESARIAIS DE SANTIAGO DE COMPOSTELA

NOME
APELIDOS
DNI
CORREO ELECTRÓNICO
TELÉFONO
ENDEREZO POSTAL
TITULACIÓN
TÍTULO DO TFG
DATA DE PRESENTACIÓN DO TFG
CUALIFICACIÓN DO TFG
TITOR/A DO TFG

Enade.....de 2024

Asdo:.....

Sinatura dixital / Firma digital / Digital signature

Asinante/Firmante/Signer: XOAN RAMÓN DOLDÁN GARCÍA, NIF ***3205**, 09/02/2024 14:52:02.

CSV: 6A9C-AD90-48D7-A864